



21334

fest.komp.

III

Mag. St. Di

P

Hieronymus

Sobocka Elisabeth.

Tomiecki Adam: Apollo rogatus ad auspi-
catissimos hymenaeos — ductus.

PANEG. et VITAE

Polon. Fol.

№ 1191.

A P O L L O

T O G A T V S,

A D

Auspicatisimos Hymenæos

Illustris & Magnifici Domini

A D A M I H I E R O N Y M I

A G R A N O W

S I E N I A W S K I,

E T

Letissimæ Sponsæ

H E L I Z A B E T H

P O T O C I Æ,

Illustrissimorum & Magnificorum

DD. Parentum

S T A N I S L A I à P O T O K

P O T O C K I

Palatini Podoliæ, Haliceni, Colomien: &c.

C A P I T A N E I,

E T

S O P H I Æ d e H V S I A T Y N,

K A L I N O W S K A,

F I L I Æ

*B. ADAMO TOMIECKI, Artium Magistro Phil: Doct:
& Professore in Academia Crac: eductus.*

LEOP: In Offic: Michaelis Sloska Arch: Typ: A. 1643. Feb: 15.

IN ARMA Illustrissimæ Prosapiae, D.
D. SIENIAVIORVM



21. 334^{III}

Qui fit, cæruleo, quodd sola vagetur, in orbe,
Luna; carens socio, dux pia, noctis atræ.
Clara, SIENIAVIORVM, lustrans insignia, magnūm
Asciscit Comitem, Cynthia pulchra, sibi.
Terrenas veniens, cælo, præsciuit in oras,
Esset, si Phæbe, non benè, sola fore.

ANTIQUISSIMA

Illustrissimæ Domus

POTOCIORVM

INSIGNIA



Æ Thereâ, prolapsum STEMMA SIENIA VIV Sarce,
Gestat; sed Sponsæ, Stemma dedere, poli
Non Indos, solùm, ast cœlos, penetrare POTOCI,
Per gentes, latè, gloria fusa, docet.
Ex signis omen, liceat desumere, SPONSOS
Viuerè concordès; Stemma par, ecce docet.

ILLVSTRI, ET MAGNIFICO DNO,
ADAMO HIERONYMO
A GRANOW
SIENIAWSKI,

Domino & Mæcenati literatorum amplissimo,
Perpetuam Felicitatem & omnia læta precatur.



*Pollinem togatum, in hoc auspiciatissimo affinitatis
nexu, in Tuum Illustris Domine & Electissimorum
paranymphorum conspectum, producere libuit;
quod cum solum antiquitas & serijs agendis, &
lætis canendis, & armis tractandis, & consilijs
dandis, atq; bonis propagandis, optimum semper
iudicauerit authorem. Attribuit ei lyram, sed & clypea cum
sagittis, perpetuâq; iuuentâ affabrè adornauit, ut cuius optimi
lucidissimum in eo exprimeret exemplar: qui tempore pacis,
consilio, belli verò, armis, & pectore, tutari debet patriam, nec
in eius obsequio vnquam consensescere. Multi haud leuiter
in campo virtutis desudârunt, Spartam tamen Apollinis togati
nequaquam sunt consecuti. Tuis verò clarissimis Maioribus, cordi
fuit, & lyra, id est, sanum consilium, & clypeus cum sagittis,
nempe defensio patriæ: aderat & iuuentus perpetua, quâ
preditus immortalis laude dignissimus, venerandus ille senex,
NICOLAUS SIENIAVIUS, Exercituum Regni
Dux generalis, Palatinus Russiæ, hostium mucrones, iugulis
nostris intentatos, multoties feliciter hebetauit. Quare & hic
Apollo meus, tempori seruiens, non ingratus puto futurus sit,
cum quod toga adornatus, concordie & tranquillitatis cum
lectissimâ Sponsâ, manifestum præferat Symbolum: tum quod
Maiores Tui, viuam eius, rebus multis præclarè gestis, non solum
adumbrarint sed etiam adamussim exprefserint effigiem. Suscipe
itaq; Musis gratum Apollinem, & diuturna felicitate, cum ca-
rissimâ Sponsâ, ad Familiæ, & Reipub. ornamentum, perfruere.*

Illustris celsitudinis Tuz,

Deuotus in obsequendum Cliens,

M. Adamus Tomiecki, Consistorij & V. Ca-
pituli Leopoli: Notarius.

A P O L L O

T O G A T V S



Ræclara Illustrum virorum facinora, eam promerentur apud mortales laudem, quæ nullis annosæ vetustatis sæculis, non furenti inuidiosorum rabie, aut crudelibus tyrannorum ictibus, ipsis etiam horrendis fulminum tormentis, potest labefactari. Parua mirandarum pyramidum, exigua fani Ephesiæ Dianæ, ducentorum viginti annorum spatio, immensis sumptibus constructi, nulla penitus mausolei, inter septem orbis miracula numerati extat memoria. Virorum verò Illustrum insignia gesta, quæ duce virtute, comite fortuna, sunt assecuti, tam fortem in animis omnium, efficiunt impressionem; Vt ea marmoreis tabulis vel cedro incisa crederes esse: quinimò exoptatâ quadam dulcedine, tantopere incendunt mentes hominum, vt Theseus nullum alium quàm Herculem, Themistocles vnum Miltiadem, Alexander magnus, Achillem, Iulius Cæsar, Alexandrum, Crassus Pompeium resq; ab eis præclare multis in mundi partibus confectas, toto vitæ suæ cursu meditarentur. Semper enim virtus tanto profundiores radices in pectore virili defigit, quanto illustrius nomen & præmium apud seram posteritatem propositum conructur. Non Annibalem prærupta saxa, aut Scipiones Græca fides, astusq; Sinonis, ab immensis laboribus, auocarunt, sola proposita laudis adorea, tantum effecit, quantum nec Caucasus ingens, sustinere valuit. Hæret in animis, non solum proborum sed etiam vitijs deditorum, quinimò totum imperium occupat gloria, quam qui spernit, non hominis sed pecudis, effigiem præleferat est necesse. *Trahimur omnes laudis studio, & optimus quisq; maxime gloria ducitur* inquit Orator.

B

Nec enim

enim vllum optimum factum constare potest, si proposito laborum suorum gloriâ, amplissimo præmio carebit? Nam cum omnia, partim senio confecta, partim viribus humanis fracta, labascunt, hæc *auidos effugit sola rogos.*

Quam perbellè considerantes, magni esse momenti, illustres viri, alij eorum literis honestissimis, alij rei militari, alij laboribus grauissimis, alij condendis & conseruandis vrbibus alij propagandæ & tuendæ Reipublicæ finibus, insignem dederunt operam: vt hac ratione ob singularem in rebus agendis dexteritatem, immortalem apud mortales conciliarent sibi nominis existimationem. Ad comparandum huiusmodi insigne nomen, cum sexcentas à virtute monstrari Maiores vestri *Illustrissimi* Sponsi, animaduertent vias, nullam earum prætermiserunt quâ aditus ad perennem assequendam famam patere posset. Non defuit eis fortitudo animi, non robur corporis, non in perquirendis studijs industria, non in peragendis rebus dexteritas, non domi consilium, non foris arma, adeò vt cum multæ vnicam faculam virtutis præferant gentes Illustris prosapia **SIENIAVIORVM & POTOCIORVM** omnes eorum splendores quodam modo videtur esse complexa: qui latè diffusi ob insignem tam cum principibus viris cognationem, quam etiam Reipublicæ tuendæ diligentiam, æternâ pepererunt vestris nominibus immortalitatem. Quare cum non postrema ex societate legitime constituta, in Rempublicam proficiscatur felicitas, lausq; immensa in familias deriuetur; Liceat mihi angustia temporis constricto, ad auspiciatissimam hymenæi aram, inter iucundissimos applausus, velut ex Apollinis oraculo, de vestro Sacrosancto Coniugij fœdere, comprimis laudabili, tum amicis & consanguineis gratissimo, Reipublicæq; & patriæ pernecessario verba facere; & quasdam delibare, cum omnes ne dicam difficile, sed impolsibile sit enarrare virtutes.

Felicitatis comparandæ, cum plurima sapientissimi quique patefacerent argumenta, tum illud primas mihi videtur obtinere partes, quo prudentissimi nomothetæ, egregios iuuenes literarum studijs, & moribus perpolitos, ad Sacrum matrimonij fœdus ineundum, ex quo præcipua salus Reipublicæ dependet,

det, non solum propositis præmijs, sed etiam pœnis contra cælibes statutis sunt hortati. Lacedæmonij quidem tam graui multâ afficiebant, Matrimonij olores, vt eos spectaculis publicis, & omnibus magistratibus, ipso etiam honore in decrepitâ ætate senibus, à iuuentute præstari solito, cuius alioquin erant diligentissimi obseruatores, indignos iudicauerint. Et Epaminondam Thebani Ducem nobilissimum, quod solitariam vitam duxerit, obliti victoriarum, quas eius ductu consecuti erant, non ignominioso solum sed etiam mordaci scommate morientem lacefferunt, multoties ingratham cantilenam, *Hiccine amor Patriæ?* ingeminantes. Non minus diligentes, hac in re prudentiâ & rerum gestarum gloriâ, celeberrimos video Romanos, illi enim vt iuuentutem, ad præclara quæq; capeffenda in Republica alacrem redderent, virotum illustrium, qui vel patriæ pignora carissima, liberos nempe optimos reliquerint, vel fortiter dimicando, pro eadem occuberint, aut saluberrimis consilijs, Rempublicam iuuando fatis concefferint, imagines cereas, in splendidissima ædium parte, collocabant, quæ postmodum circa aliquem celebrem triumphum, consulum prætextis, Censorum purpuris, Triumphalium aureis vestibus, ornata; & curra impositæ, cum securibus & fascibus, aliorumq; præclare gestorum & magistratuum quibus perfunctus quisq; erat, insignibus, in eburnea seu curuli sella, ad rostra collocatæ præferebantur. Quo insigni spectaculo tam ad conseruandam Rempublicam, quam alia admiranda virtutis specimina, exhibenda, Scæuolas, Decios, Brutos, aliosq; innumeros excitarunt. **M A R C V M** Portium Catonem cum princeps esset Senâus, accepimus, non permisisse vt magister equitum crearetur Rufus, ipsius Auunculus, licet honorem illum, Senatus ei decreuisset, quod gratiam fortitudine collectam, nexu coniugij firmare neglexisset, Nec mihi Augustus ille Imperator, abs re fecisse videtur, qui vt dignitatem præstantiamq; fæderatæ amicitiae in precio se habere declarasset, *Nunquam iuueni sellam poni iubebat, aut maritum stantem dicere patiebatur.* Quis enim dignam illustribus viris eam non iudicauerit societatem? quæ est immortalitatis typus, humanæ vitæ conseruatric, amicitiae parens, fortitudinis ara, continentiæ

nentia & castitatis domicilium; virorum denique & virtutum
 omnium, amplissimum seminarium, hanc qui culpat, seipsum
 necesse est culper. Tantis decoratam elogijs necessitudinem
 est quod unusquisque patriæ, Cuius ILLVSTRIBVS SPONSIS
 ex intimo gratuletur pectore, quorum dignitatem si spectes,
 inuenies insignes boni publici propagandi heroes, fortissimos
 patriæ propugnatores, bellicosissimos contra quasuis hostiles
 copias duces, prudentissimos in consilijs dandis Senatores,
 æquissimos legum patriarum conseruatores, & custodes, in
 his enim virtutibus tantum gens SIENIAVIORVM &
 POTOCIORVM semper excelluit.

Quantum lenta solent, inter viburna, cupressi.

Metellus ille ob decem res maximas, quas in votis ha-
 buit, & eis potitus est, magnæ felicitatis fuisse memora-
 tur, videlicet quod primarius bellator esset, optimus Orator;
 fortissimus Imperator, auspicio suo rerum maximarum gestor,
 honorum summorum possessor, sapientiæ indagator, summus
 Senator, Pecuniæ magnæ bono modo inuentor, multorum
 liberorum parens, & claritate nulli secundus. Maiori ni-
 hilominus felicitate, si accuratiori mentis oculo, SIENIA-
 VIOS contemplari voluerimus, abundare deprehendemus.
 Etenim non vni eorum sicut Metello, sed singulis SIENIA-
 VIIS longè plura vota contigerunt, & eos iure quasi hære-
 ditario sunt comitata. Quis negabit optimum bellatorem
 fuisse NICOLAUM SIENIAVIUM, Palatinum
 Rursiæ, generalem exercitus Regni Ducem qui grauib;
 multoties confectis bellis, hostium impetu compresso, salutem
 Reipublicæ velut alter Atlas felicissimè sustinuit, & conserua-
 uit, hostesque sanguinem nostrum sitientes, in nihilum redegit.
 De quo sanè & eius martio spiritu, magnanimis Fratribus,
 apud Cromerum luculentum extat elogium, qui in laudes
 Sigismundi Primi excurrens, sic Senatores alloquitur. *Ne ille
 quidem ignobiles victoriæ quæ compluribus alijs in locis, NICO-
 LAI SIENIAVI viri fortis & magnanimi, qui nunc Palatinus
 Belsensis est ductu, & Fratrum eius Alexandri, & Procopij,
 opera parta sunt. Is idem Nicolaus, cum Carolum illum ma-*
 gnum

gnum Imperatorem Romanorum, qui filio suo habenas
 Imperij concessit, parum se ob grauem senectam rebus ge-
 rendis sentiens aptum, imitaretur: onusq; æthna grauius, hu-
 meris suis deponere cuperet, & ut cum Rex exauctoraret po-
 stularet. Rex verò optimi Ducis dexteritatem, in bellis ge-
 rendis perspectam habens, eundem hortaretur, ut suam o-
 peram vel propter filios, diutius Reipublicæ impenderet, &
 summum honorem in Successorem transferret, respondisse
 fertur. *Filijs suis patere campum semper ad summos honores,*
modò eis ob virtutes digni censeantur. O vocem non solum
 insigni oratore, sed etiam ipso tripode dignissimam, quã non
 sanguini, ut pleriq; solent, verum virtuti, & benè meritis ho-
 nores conferendos iudicauit. Non minor eius in tuendis
 finibus vigilantia eluxit, ad quam sese frequenter, cohortaba-
 tur, nobili illo Augusti Cæsaris dicto: *Stantem Imperatorem*
mori oportere. Vnde satius semper ducebat, vitam suam pe-
 riculis exponere, quam incursionibus hostium patriam infe-
 stari permittere. Et quod de Boleslao Poloniæ Duce, cum
 Henrico Cæsare bellum gerente, Dlugossus refert, id SIENIAVIVS
 meretur elogium: *Adeò exercitum hostilem*
vexarat, afflixeratq;, ut nemo pabulatum prodire, nemo corpus
ambulando recreare, nemo longius à castris recedere, sine fir-
missimo armorum munimine auderet, quodlibet nemus, silu-
la, aut rubus, suspecta habebantur in omni loco umbroso,
 SIENIAVIVS stare credebatur. quo factum est ut multis
 in locis felicissimè dimicasset, & maximas res suo auspicio
 gessisset. Quare summa belli penes SIENIAVIVOS
 multoties collocata, dignitatem eis pænè regalem attulit, cum
 omnes suas opes, libertates, vitam denique ipsam vniuersa
 Respublica eisdem, ad tuendum commiserit, quo honore in-
 signiti, longè post se Metellum reliquerunt. Sapientiæ verò
 studium, & ipsam sapientiam, quis in eis non aduertet? quo-
 rum nutui diuersis ingenijs conflatus obedit exercitus, impe-
 perata exequitur, & edita sacrosanctè obseruat, suamque
 mentem, iam non suo, sed Imperatoris regit iudicio.

Ille regit dictis animos, & pectora mulcet.

CYneas Oratorum nobilissimus, cuius eloquentia, plures
 C se vr-

se vrbes cepisse, quàm armis expugnasse, Pyrrhus Epiro-
rum Rex non diffitebatur, quantis ingenij viribus, ad regen-
dam multitudinem opus sit, exemplo suo declarauit. Dele-
to Romano in Italia ad internecionem exercitu, Romam mis-
sus, de fœdere cum Senatu paciscendo, ratus tam horrendo
casu, prostratos Romanos, quam sua eloquentia delinitos fa-
cile in Regis partem inflecti posse, vbi cum nihil penitus effe-
cisset, indignabundus *Belluam multorum capitum in causa fuisse,*
renunciavit. Si enim in cicuranda vna auicula, multum in-
dustriæ collocamus, quantum magis qui homini imperare
vult? *quo nullum animal morosius, nullum maiori arte tractan-*
dum, cuius ea natura est, vt facilius cæteris omnibus animantib9
imperitet, quam a sui similibus imperari patiatur. optime Sene-
ca. Nec est quod tantoperè miretur Herculem posteritas,
qui hydram lerneam, & indomita monstra admirando quodâ
robore, compescuisse perhibetur; cum illi in maiorem longè
veniant admirarionem, qui variâs hominum mentes, ad iudi-
cij libellam ponderando, vniuscuiusq; satisfaciunt intentioni.
Magna res est vitam patriæ donare, maior liberos, maxima o-
pes, non inscitè quidam protulit: has cum partim virtute ma-
iorum suorum, partim ob merita, Regum munificentia, & li-
beralitate satis amplas consecuti essent, non luxui, sed vsui,
non prodigalitati, sed liberalitati, non priuatis, sed publicis,
impenderunt negotiis. Eorum Familia nocuit nunquam,
profuit semper Reipublicæ, & omnibus. Laudantur à Cro-
mero Glogouientes quod eradicata liberorum, à natura indi-
ta propensione, quos Henricus Cæsar expugnando Ciuita-
tem, loco obsidum ab eis extorserat, post induciarum tem-
pus lapsum, fortiter eidem restitissent, & naturæ, & hosti, pa-
riter inexpugnabiles sese, præbuisent; victa obstupuit, plusquâ
ferinam crudelitatem, & Imperator, & natura. Maiori laudû
encomio, eos efferendos nemo dubitabit, qui nulla penitus
necessitate adacti, sed amore patriæ inflammati, non solum o-
pes, vitam, sed etiam liberos ipsos, liberè, pro incolummitate
Reipublicæ conseruanda grauissimis periculis exposuerunt.
Quemadmodum enim longè præstantior censetur is, qui im-
punitate peccandi habita, omnem vitij labem ab animo auer-
tit illo

tit illo; cui exclusa est ad malum occasio, ita qui pro Reipublicæ salute se, suaque omnia liberè offerunt, longè præstantiores sunt habendi ijs, qui durissimo necessitatis telo compulsi, aliqua tam pro sua, quam patriæ defensione aggrediuntur. Illustre Charonis Thebani fuit facinus, quod Pelopidæ suos in obfides dedit filios, nè patria veniret in hostium direptionem, at Illustrius Codri Atheniensium Regis, qui audito oraculo eorum saluam fore Rempublicam, quorum Rex prius occubisset, gregarii militis habitu assumpto, in hostium manus venit, vitamque Reipublicæ, nece sua comparauit. Liceat iam irretorto oculo, Magni Ducis S I E N I A V I I intueri filios qui vitam suam, sine Reipublicæ salute, non vitam sed mortem turpissimam semper existimabant. Quid aliud volunt I O A N N I S, H I E R O N Y M I, R A P H A E L I S, N I C O L A I Castellani Camenecensis, Copiarum Regni Præfati, crebræ cū Valachis & Tartaris concertationes? grauissimè exantlati labores? profusi erga exercitum Reipublicæ caula sumptus? quam Reipublicæ salutem sua fuisse potiore.

*Hi rigidos persæpe Scythas, Valachosque feroces,
Soli; victrici perdomuere manu.*

N On commemoro P R O C O P I V M Marschalcum Regni, & A L E X A N D R V M germanos fratres, viros & toga & sago clarissimos, Taceo H I E R O N Y M V M Palatinum Russiæ, cuius si præclare gesta in medium adducere vellem, longiorem Iliade Homeri exposcerent orationem; vnica vt cæteras sera posteritate dignissimas præteream virtutes, in consilijs dandis maior ipso Catone eluxit prudentia: Nam is summam laudem inde consecutus fuit, quòd Pompeium cum Metello Tribunoplebis qui armatis circumfusa curia militibus, sese pro Tribunali sedentes, non dirempturos opinabantur, medium inter vtrumque locum sibi vendicans diremit: consiliumque vtriusque perniciosum in nihilum redegit. Noster verò Palatinus non duos fortissimos viros, sed totum Reipublicæ cor-

æ corpus, quod exulceratum varijs dissensionum vulneribus, sub tempus interregni Henrici Regis, ad curandum ab vniuersa Russia oblatum habebat, prudenti consilio sanauit, & fluctuantem dissensionum procellis multitudinem, feliciter conseruauit. Quod si mentem meâ ad te Illustris SPONSE conuerte o, occurreret statim omnium sæculorum memoria dignissimus Parens Tuus, PROCOPIVS VEXILLIFER Regni, cû magnanimis ALEXANDRO & NICOLAO Pocillatore Regni Fratribus, qui nihil carius habêtes patriâ, strenuè contra immanissimum Turcam ad Chocimum dimicarunt, & ingenti robore numerosis hostium copijs, summû terrorem incusserunt. Ingemuit hostili mente instructus Cantimirus, dum Optimi Parentis Tui dextera à populandis Regni finibus fugatus, ad inculta pedem referre cogetur telqua. Agrippam illum Menenium, quod plebem concitatam oratione sua ad tranquillitatem reduxisset, Romana Re publica summo in honore habuit, eumq; veluti Cicero- nem cum Catilinæ conatus, facundia sua fregisset patrem Patriæ appellauit: qui merito à Regno hoc florentissimo, Illustris Parenti Tuo & Nicolao Pocillatori debetur, ob sedatam illam, qua nihil perniciosius Reipublicæ euenire potest, confæderatorum in perniciem patriæ rebellionem: qui humana & diuini prosternentes, certissimum Reipublicæ, ni summa eloquentia & liberalitate deliniri essent portendebant ruinâ. Decebat Optimi parentis HIERONYMI Pocillatoris Regni Aui Tui, qui contra Multanos, cum tribus Millibus & Sexcentis Ioanni Zamolcio Comes aderat, decebat inquam optimos filios, fortitudinis & rei militaris cæterarumque virtutum veros fieri imitatores; vt partam maiorum sanguine Russia tranquillitatem posterorum virtute posset conseruare. De quâ disertissimum audiamus Orzechouium. Eorum inquit opera Russia afflicta, ac anniuersario hoste pænè deleta, requiescit nunc, ac nouis colonijs solitudines suas complet, ac instaurat, ita vt post hominum memoriam, cultior Russia nunquam fuerit, quam nunc est SIENIAVIORVM & aliorum fortium virorum opera: quorum virtute ad hanc rem Russia stetit. Tam Illustrum virorum & virtutum GRANAŴSCIORVM
scu

leu SIENIAVIORVM hæredem dum conspiciamus, veram
imaginem in Te vno omnium adamusim expressam depre-
hendimus, adeò vt omnes qui nouerunt maiores Tuos, in Te
eos recognoscant : qui verò non nouerunt in Te agnitos ha-
beant. Nam cum optime perspexisset prudentissima matro-
narum Magnifica CATHARINA de Sztemberg Auiua Tua
Carissima, quæ Parentû locò diuinitus Tibi est commodata,
vberes fructus virtutum sine literarum culturâ consequi non
posse, continuo illam Ludouici Vndecimi Galliarum Regis,
non regiam vocem spernere Te docuit, qui Carolum filiû,
nihil ex omnibus artibus scire voluit, præter vnum vetusta-
te communi tritum prouerbium : *Qui nescit dissimulare ne-
scit regnare*, atque honestissimis disciplinis, in illo scientiarum
Emporio, quod Rempublicam optimis legibus, Senatum pru-
dentissimis consilijs, Patriam firmissimis præsijs instruxit,
Academiâ Cracouiensem intelligo, magnificè erudiri cu-
rauit. In qua cum summa diligentia aliquot annorum spa-
tio versareris, non mediocre æmulantibus addebas incita-
mentum. Hæserat illud in pectore magnanimo, Vespasia-
ni opera doctissimorum Præceptorum instillatum dictum,
quod ad iuuenem quendam nobilem, cui præfecturam con-
tulerat, viso eo odoribus delibuto, protulisse memoratur :
Maluisssem inquit allium quam vnguenta oboluisse, eundemq;
à præfecturâ amouit. Proinde non cuticulæ curandæ, sed mē-
ti excolendæ diligenter insudasti, nihilque quod ad pietatem
colendam, liberalitatem exercendam, temperantiam conse-
quendam, prudentiam addiscendam, aliaque insigni viro di-
gnas dotes, prætermisisti : ipso Diuorum Tutelarium, prosa-
piæ Tuæ NICOLAI & HIERONYMI incitatus exemplo.
Quare omnium in Te oculi sunt conuersi, siue propter gra-
tam clarissimorum maiorum Tuorum memoriam, siue pro-
pter singulares & admirabiles virtutes, quas intueri sine vo-
luptate nemo potest, attribuentes nostris, quantum antiquis
attribuebamur temporibus. Nemo est qui non admiretur
in Te innatam à naturâ maiestatem, à literis sagax iudicium,
rerumque multarum cognitionem ; Abstulit alijs tam fortu-
na quam natura beneficia, Tibi benignè contulit. Non po-

D

tuit

tuit aliam excelsa indoles ambire Sponsam, præter eam quæ
 maiorum splendore esset clarissima, virtutum amantissima,
 prudentiæ custos integerrima, pietatis studiosissima, ne si a-
 lios expetiisset thoros, à maiorum suorum degenerare videre-
 tur exemplis. Nam & Agidem Lacedæmoniorum Regem,
 ab Ephoris multatum fuisse didicimus, quòd pusillam vxo-
 rem duxisset, quæ Regulos non Reges gigneret. Assum-
 pserat sociam vitæ Illustris Tuus Parens, A N N A M E V-
 P H R O S I N A M, prudentissimi illius Senatoris ALEXAN-
 D R I Chorkievicij Palatini Trocentis, Magni verò CARO-
 L I Chotkievicij Exercituum Ducis è Fratre filiam: Carissi-
 mum imitatus Parentem Auum Tuum, qui lumen virtutum
 CATHARINAM de Sztemberg, IOANNE KOSTKA,
 Palatino Sendomiriensi ad sceptrum Regni ob Regias vir-
 tutes candidato, progenitam, germanam Pientissimæ olim
 A N N Æ Coniugis, Magnifici ALEXANDRI Ducis in O-
 strog sibi associavit. Ad Te iure meritissimo spectabat, cum
 illà familiâ affinitatem inire, quæ victoriâ trophæis, Sena-
 torum laticlavis, propugnatorum obeliscis, semper claruit.
 Sunt in conspectu Illustrissimi STANISLAVS POTOCIVS
 Palatinus Podoliæ, Haliciensis Colomiensis Præfectus, & in-
 ligni probitatis splendore coruscans, S O P H I A de Husiatin
 KALINOWSKA Coniux integerrima, Carissimi spectatæ
 virtutis Illustris HELIZABETH Sponsæ Tuæ PARENTES.
 In quibus quid prius mirari debeam, dubius ancepsque hæreo.
 Nam si trophæa scitabor, immanes Turcæ, seroces Valachi,
 crudeles Tartari, atroces Sueci, fidefragi Moschi, perduelles
 Coiacci, sexcenta, victi fugatique detulere. Si oculos ad Cu-
 rules sellas convertero. Prudentissimus ANDREAS Nouæ
 Nuptæ Aui, Castellanus Camenecensis, cum IACOBO,
 IOANNE, STEPHANO, Illustrissimis Fratribus Palatinis
 Braclauiensibus, Generalibus Podoliæ, Camenecensibus, La-
 ticouiensibus Præfectis, eas mihi luce clarius ostentant. Si ob-
 sequium Reipublicæ causâ, multis in locis ultro oblatum ve-
 nabor, protinus intuitui sele offerunt, IACOBVS Pocillator
 Podoliæ, IOANNES Succamerarius Haliciensis, & CHRI-
 STOPHORVS POTOCII, amantissimi fratres; Sponsæ le-
 cissimæ.

Optimæ Patru; Prætor est Illustrissimus NICOLAUS POTOCIVS Palatinus Braclaviensis, Copiarum Regni Campestrium, Nizniensis, Cercasiensis Præfectus, Hector Polonus; Domitor Cosacorum, quorum impios contra Rempublicam insultus, ut recens omnium tenet memoria, non minus fortis quam magnanimo compescuit pectore; barbariemque feram, dominandi cupiditate inflammata, velut Tamerlanes Bajazetem, duræ inclusit servituti. Iulio Cæsare haud inferior de quo Lucianus

*Stetit aggere fulti
Cespitis, intrepidus vultu, meruitque timeri,
Nil metuens.*

Sic est si STANISLAUS Exercitus Regni Tribunum, PETRUM Palatinidem, & alium PETRUM etiam Palatinidem Braclavienses, Camenecensem, Laticouensem Præfectum, Equitum Magistros, ANDREAM Aulicum S.R.M. cæterosque ob magnitudinem rerum gestarum, quos longum esset recensere; fortes viros & optimos Cives vocavero: quoniam mites sese exhibent in rebus tranquillis, feroces in periculosis, non aliter quam Scauola, qui teste Valerius Maximus: *Ut in rebus serijs Scauolam, ita in scurilibus hominem agebat.* Iam pridem tam Illustres domos, similitudo morum amicitiae mater coniunxerat, quæ externi non appetentes honoris, totas sese ad tutandam Reipublicæ salutem deuoverunt, & loca hostium incursum obuia, adinstar leonum qui saxosis delectantur rupibus, obsederunt. In hac virorum & virtutum feracissimâ prolapiâ videre licet KALINOVIOS, RADIVILOS, KAZANOVIOS, TARNAVIOS, LESCZYNIOS, WOLOWICIOS, cæterasque principes domos, nexu affinitatis plusquam Gordio nodo coadunatas. Profecto fortiores Sciluri aduersus impetentium potentatem, tot insignium virorum cognatione iuncta conspiratio, ostendit dexteram; cum iam non octuaginta filij per foedus matrimonij, sed innumeri parentes, ad inexpugnabilem descenderunt concordiam: quam Antisthenes quouis muro firmius munimentum affirmare non dubitauit. Nec ipsi Fa-

bij, quos trecentos vna die Veientes deleuerunt, magnæ erunt apud posteros admirationis, ob numerosam Familiæ suæ propagationem, & inuictam quandam animi magnitudinem, cui confisi, spretis Romanæ militiæ superbijs, solos se sufficere ad quosuis hostium insultus reprimendos, iactabant: cum illorum vnicuique seruiat triste Traiani ob diuersas clades varijs in locis acceptas suspirium. *Quam infelix sum, qui ijs qui coronam mihi, ego calamitates attulerim.* Non his aduersæ fortunæ tenebris, luna cum stellis obfuscata fuit vnquam, quinimò ob cruentas in luna Oromannica crebro factas eclipses, mirifice vniuersum Poloniae Regnum illustrauit. Admirandum enim fortitudinis & ingenij specimen non à humanis sed diuinis proficisci viribus, maiores nostri meritò existimabant; vnde cælesti virtuti, cælestia attribuebant insignia. Inuicta crux, inuictis cedebat heroibus, hac firmatus Constantinus Magnus, nunquam hosti terga dedit, atque exigua manu suorum, ingentes Maxentij copias ad internecionem deleuit; propterea trinam crucem semper venerabatur: sub hoc signo Heraclius contra filios Cosdroes Persarum Regis, feliciter dimicauit; Trina indicante cruce Constantinus Tiberius Orientis Imperator, supra mille auri centena adinuenit. Cessit magnanimæ Domui **POTIORVM** Imperatorium Insigne, & quod olim eidem Constantino Magno stellis coruscans, in spem futuræ victoriæ apparuit, hoc ipsorum astrorum regina decoratum, hodie ad spectandum nobis proponitur. dum Illustris **LELIVITARVM** Prosapia, suam lunam aurora micantem ad **PIELAVITARVM** gentem accommodat. Resplendet inter victrices **PIELAVAS**, non aliter vt luna inter stellas minores Noua Nupta, quæ à teneris Optimæ Parentis cura educata, nil aliud quam pietatem, pudicitiam, modestiam, temperantiam, cæterasque ipsâ Lucretiâ dignas virtutes didicit meditari. Non opus habet Lentula ad castitatem, Turia ad fidem, Alceste ad charitatem, Cornelia ad prudentiam, Portia ad grauitatem, cum eorum omnium magnum ex carissima Matre, Illustrissimi verò **MARTINI KALINOWSKI** Palatini Czerniechouiensis Sorore dilectissima, sumptu-

sumpserit, & in dies sumit incrementum. Præstantiorem multò dotem ex auitis paternisque virtutibus collegir, quam antiquitas Germanorum censuit, quæ vxori ducendæ boues iunctos, frenatum equum, & scutum, cum frameâ gladioque, mittere dotis nomine consueuerat. Nam cum hæc duram redoleant austeritatem.

Virtus repulsæ, nescia sordidæ.

FELIX profectò Halicia quæ Te prima omnium Illustris S I E-
NIAVI Nuntium Terrestrem, ad Comitata generalia, sub
Serenissimo VLADISLA O IV. feliciter regnante, bien-
nio ante Warsaviæ celebrata vidit: sed longè felicior Illu-
strium virorum, agminatim Podhayce confluentium cætus,
qui Te luce hodierna non sine magna voluptate Sponsum
conspicatur. Modo primum effusus in POTOCIOS Ma-
iorum Tuorum multò ante conceptus affectus, qui eos non
solum in vitâ, sed etiam post fata comites & tutores exoptâ-
runt habere, ad gratam descendit remunerationem: & illæ
dexteræ Sacramento militiæ obligatæ, semoto paululum mar-
te, exoptatâ animorum firmanur coniunctione. Beatum
Te illæ ad cœlestem mentium sedem euocatæ, Parentum
Tuorum manes intelligunt, quòd ad suam stirpem ex ea Do-
mo, quam in albo suorum habebant, nouam Pyrrham uti no-
uus Deucalion, assumpseris restaurandam. Nec dubia spes
est quin cara soboles, immortalem ob res præclarè gestas, à
mortalitate prosapiam sit vindicatura; & suauissimos Spon-
sos, Charissimam Auiam, Optimos Parentes, florentissi-
mos Auunculos; genialibus delicijs. Deo duce &
auspice in longam annorum seriêm
replectura.







Biblioteka Jagiellońska

sidr0022201

